

## MICHAEL, DAVID ('Dewi Afan '; 1842 - 1913), bardd

**Enw:** David Michael  
**Ffugenw:** Dewi Afan  
**Dyddiad geni:** 1842  
**Dyddiad marw:** 1913  
**Rhiant:** Margaret Michael  
**Rhyw:** Gwryw  
**Galwedigaeth:** bardd  
**Maes gweithgaredd:** Barddoniaeth  
**Awdur:** Benjamin George Owens

Ganwyd yn Llanelli 7 Gorffennaf 1842. Bedyddiwyd ef yn eglwys Fedyddiedig Penuel, Cwmafan, ac yn ddiweddarach ymaelododd yn y gangen newydd yn Nhabor a'i ethol yn ddiagon yno. Canai yn bennaf ar destunau Beiblaidd a moesol. Cyhoeddwyd ei weithiau barddonol cynnar mewn cyfrol o'r enw *Fy Ngwanwyn* (Aberdâr 1873), a gyflwynwyd i'w fam Margaret Michael, ac ymddangosodd wedi hynny eiriau Cymraeg *Ruth a Naomi ... A Cantata* (Cwmavon, 1876), a *Gwardigaeth Pedr o'r Carchar* (3ydd arg., Cwmafan, 1885; arg. 1af, 1879; ail arg., 1880). At hyn, cyhoeddodd gyda Llewelyn Griffiths ('Glan Afan') ddau ddetholiad o farddoniaeth beirdd cyfoes dan y teitlau *Blodeu'r Beirdd* (Cwmafan, 1871) ac *Oriel y Beirdd* (Cwmafan, 1882). Bu farw 11 Awst 1913, gan adael un ferch a phedwar mab. Nai iddo oedd [Thomas Morgan](#) ('Afanwyson'). Na chymysger ef â DAVID MICHAEL (1785 - 1860?), telynor ym Merthyr Tydfil (*Bywgraffiaeth Cerddorion Cymreig; Llyfr Cerdd Dannau*).

### Awdur

Benjamin George Owens

### Ffynonellau

H. Blackwell, [NLW MSS 9251-9277A: A Dictionary of Welsh Biography](#)

*Seren Cymru*, 10 Hydref 1913

*Seren Gomer*, 1913, 351

*South Wales Daily News*, 14 Awst 1913

### Dolenni Ychwanegol

Wikidata: [Q28360879](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

